



Broj: 02-1- 20-1-1505

Datum: 02.04. 2024. godine

Na osnovu Sporazuma o saradnji na realizaciji projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima” broj:02-11-2-969 od 27.02.2024. godine i člana 6. Pravilnika o utvrđivanju uslova, kriterija i postupaka za ostvarivanje prava na dodjelu plastenika i opreme u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima”, a u cilju realizacije projekta za koji su osigurana donatorska sredstva od strane nevladine organizacije “Muslim Aid Association” 40 %, Grada Goražde 40 %, osigurana u Budžetu grada za 2024. godinu i vlastitog učešća korisnika 20 %, a u cilju nabavke i dodjele dvadeset (20) plastenika od 100 m² sa sadnim /sjemenskim materijalom, sistemom za navodnjavanje, kristalonima i dodatnom opremom, na području Grada Goražde, Gradonačelnik Grada Goražde raspisuje:

JAVNI POZIV

za podnošenje prijava za dodjelu plastenika od 100 m² sa sadnim/sjemenskim materijalom, sistemom za navodnjavanje kristalonima i dodatnom opremom

Grad Goražde u saradnji sa nevladinom organizacijom Muslim Aid Association sa sjedištem u Sarajevu raspisuje Javni poziv za podnošenje zahtjeva za dodjelu dvadeset (20) plastenika od 100 m² sa sadnim/sjemenskim materijalom, sistemom za navodnjavanje, kristalonima i dodatnom opremom. Projekat sufinansiraju Grad Goražde sa 40%, nevladina organizacija Muslim Aid Association sa 40% i krajnji korisnik sa 20% od ukupne cijene plastenika i opreme.

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja Grada Goražde, koje posjeduju vlastito poljoprivredno zemljište ili zemljište u vlasništvu članova uže porodice po pravoj liniji (majka, otac, djed...), kao i zemljište ustupljeno na korištenje ili uzeto u zakup u neposrednoj blizini stambenog objekta u kojem stanuju.

Pravo na dodjelu plastenika sa dodatnom opremom nemaju lica koja su dobila donaciju iz oblasti poljoprivrede od grada, nadležnih ministarstava, humanitarnih i drugih organizacija u prethodne tri godine. Pravo učešća nemaju članovi uže porodice zaposlenika Muslim Aid Association i Grada Goražde.

Pravo učešća nemaju lica koja su u proteklom vremenskom periodu nenamjenski koristila dobijena sredstva od strane Grada kao i Muslim Aid Association ili zloupotrijebili ista.

II USLOVI

Podnosilac prijave treba da ispunjava sljedeće uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina, sa prebivalištem na području Grada Goražde;
- da je nosilac ili član poljoprivrednog gazdinstva upisan u Registar poljoprivrednih gazdinstava i Registar klijenata FBiH;
- da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište pogodno za plasteničku proizvodnju uzeto na korištenje ili u zakup i da se isto nalazi u neposrednoj blizini stambenog objekta u kojem stanuju;
- da postoji mogućnost navodnjavanja plastenika;
- da u trenutku prijave za učešće u ovom projektu nema više od 100 m² plastenika u svom posjedu ili posjedu užeg člana domaćinstva (pod posjedovanom plasteničkom površinom smatra se platenik metalne konstrukcije sa bočnim ventiliranjem);
- da će sufinansirati 20% (740,00 KM) od nabavne cijene plastenika sa dodatnom opremom,
- da obavezno prisustvuje edukaciji iz oblasti plasteničke proizvodnje;
- da u posljednje tri godine nije ostvarivao/la pravo na donaciju u mehanizaciji i opremi za poljoprivrednu proizvodnju, od grada, nadležnih ministarstava, humanitarnih i drugih organizacija;
- da nije zloupotrijebio/la ranije dobijena sredstva od strane grada, nadležnih ministarstava, humanitarnih i drugih organizacija;
- da će dodijeljeni platenik zadržati u vlasništvu najmanje 3 godine od potpisivanja ugovora.

III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Aplikacijski formular za prijavu na Javni poziv (preuzima se u šalter sali Gradske uprave);
2. Potvrda o prebivalištu (CIPS prijava) ili ovjerena kopija lične karte;
3. Ovjerena kućna lista;
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice ili ovjerena izjava kojom se garantuje da je lice nezaposleno;
5. Potvrda o upisu u Registar poljoprivrednih gazdinstava i Registar klijenata (RPG i RK) izdata od nadležne gradske službe ukoliko je kandidat upisan u Registar poljoprivrednih gazdinstava. Ukoliko nije, potrebno je dati izjavu da će se ukoliko ostvari pravo na donaciju upisati u što skorijem periodu;
6. Potvrde iz škole/fakulteta (ovjera tekućeg semestra u indeksu ili potvrda o pohađanju za studente; za učenike moguće kopija prve strane đачke knjižice ili kopija svjedočanstva) za djecu/izdržavane članove domaćinstva (za djecu predškolskog uzrasta priložiti rodni list);
7. Uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke);

8. Vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, kao i ugovor o zakupu/korištenju parcele);
9. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj);
10. Dokaz da je podnosilac zahtjeva i/ili član domaćinstva (dijete, bračni drug sl.) osoba sa invaliditetom (potvrda ili drugi dokument kojim se dokazuje da je član domaćinstva osoba sa invaliditetom);
11. Ovjerena izjava da podnosilac zahtjeva u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva;
12. Ovjerena izjava da će korisnik dobijeni plastenik zadržati u vlasništvu najmanje 3 godine od potpisivanja Ugovora;
13. Ovjerena izjava da podnosilac zahtjeva u posljednje 3 godine nije ostvario pravo na donaciju, dodjelu ili sufinansiranje nabavke plastenika od Grada, ministarstava, humanitarnih i drugih organizacija;
14. Ovjerena izjava da podnosilac zahtjeva nije zloupotrijebio ranije donirana sredstva od Grada, ministarstava, humanitarnih i drugih organizacija;
15. Ovjerena izjava da će sufinansirati 20% od nabavne cijene plastenika sa dodatnom opremom (740,00 KM), te da će obavezno prisustvovati edukaciji iz oblasti plasteničke proizvodnje u trajanju od dva dana.

Potrebna izjava za uslove pod rednim brojevima 5., 11., 12., 13., 14. i 15., se podnosi na zajedničkom obrascu „IZJAVA“, koja se može preuzeti u šalter sali Gradske uprave.

Ukoliko se prilikom bodovanja kandidata utvrdi nedostatak dokumentacije iz gore navedenih stavki, kandidat će biti eliminisan iz dalje procedure odabira za dodjelu plastenika.

Komisija zadržava pravo naknadne provjere dokumentacije ukoliko se ukaže potreba za tim kao i mogućnost naknadne dopune dokumentacije u posebnim slučajevima.

Uz Prijavu na Javni poziv potrebno je dostaviti uredno popunjen „Upitnik za korisnike“. Obrazac upitnika preuzeti zajedno sa obrascima prijave i izjave u šalter sali Gradske uprave.

IV PROCEDURA ODABIRA KORISNIKA

Komisiju za odabir korisnika za dodjelu plastenika sa pratećom opremom Rješenjem imenuje Gradonačelnik.

Komisiju za odabir krajnjih korisnika za dodjelu plastenika čine najmanje 3 člana od kojih su dva člana predstavnici Gradske uprave, a jedan član predstvanik nevladine organizacije Muslim Aid Association.

Zadatak Komisije je:

- pregled prispjelih prijava,
- bodovanje i evidentiranje kandidata koji ispunjavaju uslove iz javnog poziva,
- obavljanje uviđaja na licu mjesta,
- izrada zapisnika o radu i sačinjavanje rang liste korisnika na osnovu kriterija za bodovanje utvrđenih pravilnikom.

Rang lista odabranih kandidata se objavljuje na oglasnoj ploči Grada Goražde, službenoj web stranici Grada i dostavlja Muslim Aid Association na dalju proceduru. Na predloženu rang listu, korisnici imaju pravo žalbe u roku 5 dana od dana objave na naprijed nevedenim adresama. Žalba se podnosi pismenim putem sa tačnim obrazloženjem Komisiji putem protokola Grada Goražde.

O žalbi odlučuje Gradonačelnik u saradnji sa predstavnicima NVO Muslim Aid Association.

Između NVO Muslim Aid Association, Grada Goražde i odabranih korisnika zaključit će se tripartitni ugovori kojim će biti regulisana međusobna prava i obaveze učesnika u ovom Projektu.

Kandidati koji ostvare pravo na dodjelu plastenika i opreme obavezni su prisustvovati edukaciji iz oblasti plasteničke proizvodnje koju će organizovati Muslim Aid Association i Grad Goražde.

NAČIN PODNOŠENJA PRIJAVA:

Prijava sa potrebnom dokumentacijom predaje se u zatvorenoj koverti na protokol u šalter sali Grada Goražde ili putem pošte, na adresu:

GRAD GORAŽDE
Komisija za provođenje Javnog poziva
Titova ulica br.2. 73000 Goražde
sa naznakom:

„PRIJAVA NA JAVNI POZIV ZA DODJELU PLASTENIKA I OPREME - NE OTVARATI“

Obrasci zahtjeva za prijavu mogu se preuzeti šalter sali gradske uprave i na službenoj web stranici Grada Goražde., a rok za podnošenje zahtjeva je 15 (petnaest) dana, od dana objavljivanja javnog poziva na web stranici i na oglasnoj ploči Grada Goražde.

Sve dodatne informacije mogu se dobiti u kancelarija broj 58, svakim radnim danom od 07:30-16:00 sati i na kontakt telefon 038/221-002.

Nepotpuna, neuredna, netačna i neblagovremena dokumentacija neće se uzimati u razmatranje.

GRADONAČELNIK

ERNEST IMAMOVIĆ